

臨證指南醫案目

卷六

鬱

肝火

不寐

餽

三消

脾痺

瘧

瀉

臨證指南醫案卷六

濟關李大瞻翰圖

古吳葉

桂云士先生著

錫山華南田岫雲全較

侄 旦玉堂

鬱

陽

子

五

鬱損心陽。陽墜入陰。為淋瀝。由情志內傷。即為陰虛。

致病。見症亂治。最為庸劣。心藏神。神耗如憤。諸竅失司。

非偏寒偏熱藥治。必得開爽。莫有向安服藥。以草木功。

能。恐不能令其歡悅。妙香散

心脾氣
結神志
不清

陸二一人參 桔梗 烏藥 木香 各三分磨汁

又 夜服白金丸

久鬱心脾氣結利竅佐以益氣

人參 石菖蒲 龍骨 棗仁

遠志 茯神

心下痞

胡四六悲泣乃情懷內起之病病生於鬱形象漸大按之堅

硬正在心下用苦辛泄降先從氣結治

川連 乾薑 半夏 薑汁

茯苓 蓮皮瓜蒌

脾損心
脾營內

李六九老年情志不適鬱則少火變壯火知飢脛中不爽口

恐成外症
用熟藥

熱

舌糜腐、心脾營損、水火劫燥、精華肌肉日消、惟怡悅開
爽、內起鬱熱、可平、但執清火苦寒、非調情志、內因鬱熱
矣

金石斛

連翹心

炒丹皮

經霜桑葉

川貝

茯苓

接服養心脾之營、少佐苦降法

人參

川連

炒丹皮

生白芍

小麥

茯神

肝鬱

某

脘痛已止、味酸乃肝鬱也

金石斛

當用平藥

黑山梔

丹皮

半夏麩

橘紅

枇杷葉

某 初起左邊麻木舌強筋弔腦後痛痰阻咽喉此係肝

風上引必由情懷鬱勃所致

羚羊角

連翹心

鮮生地

玄參

石菖蒲

鬱金汁

某 氣鬱不舒木不條達暖則少寬

逍遙散去白朮加香附

某

肝鬱成熱

加味逍遙去白朮加鬱金

某

鬱熱吞酸

溫胆湯加山梔丹皮鬱金薑汁炒黃連

肝脾氣血鬱

沈四

脈虛瀉情懷失暢肝脾氣血多鬱半載不愈難任峻

劑議以局方逍遙散兼服補中益氣莫以中宮虛塞為泥

吳四十勞倦嗔怒致傷病在肝脾久有腦泄髓脂暗損暫以解鬱繼當宣補

鈎藤

生香附

丹皮

桑葉

神麴

白芍

茯苓

廣皮

葉氏悒鬱動肝致病久則延及脾胃中傷不納不知味火

風變動氣橫為痛為脹疎泄失職便秘忽瀉情志之鬱

藥難霍然數年久病而兼形瘦液枯若再香燥劫奪必

變格拒中滿與辛潤少佐和陽

栢子仁 二錢
歸鬚 二錢
桃仁 三錢
生白芍 一錢

小川連 二分
川棟子 一錢

某
惱怒肝鬱。思慮脾傷。面黃脈瀉。寤不成寐。宗薛氏法
治之。

人參 黃芪 熟於朮 茯神 棗仁 桂圓肉

當歸 炙草 黑山梔 丹皮 遠志

戴氏
隱情曲意不伸。是為心疾。此草木攻病。難以見長。乃
七情之鬱損。以丹溪越鞠方法。

香附 川芎 小川連 茯苓

半夏 橘紅 炒查肉 神麩散丸

程 娠 脈弦澹外寒內熱齒痛舌乾無寐乃肝脾鬱結不舒

鬱金 此方之著 鈎藤 丹皮 夏枯草

生香附 薄荷 廣皮 茯苓

肝胆鬱 吳 四 操持過動肝胆陽升胃氣日減脈應左搏從鬱熱治

丹皮 黑山梔 薄荷梗 鈎藤

廣皮 白芍 茯苓 神麩

陸 二 鬱傷筋脹心痛

鈎藤 生香附 鬱金 白蒺藜

丹皮 薄荷 廣皮 茯苓

肝犯胃 王 六 勞怒傷陽氣逆血鬱致痛痞脹便溏風木侮土前方

氣逆血

鬱

四

既效與通補陽明厥陰

大半夏湯加桃仁栝仁當歸薑棗湯法

肝鬱風火升

朱

二三因抑鬱悲泣致肝陽內動陽氣變化火風有形有聲

貫膈冲咽自覺冷者非真寒也內經以五志過極皆火但非六氣外來苓連之屬不能制伏固當柔緩以濡之合乎肝為剛臟濟之以柔亦和法也

生地

天冬

阿膠

茯神

川斛

牡蠣

小麥

人中白

熬膏

趙

四

鬱勃日久五志氣火上升胃氣逆則脘悶不飢肝陽

上僭風火凌竅必旋暈咽痺自覺冷者非真寒也皆氣

痺不通之象。病能篇以諸禁鼓慄屬火。丹溪謂上升之氣從肝胆相火。非無據矣。

生地

阿膠

玄參

丹參

川斛

黑櫓豆皮

胆脾氣
血營

朱氏

脈弦右大。乳房刺痛。經阻半年。若遇勞怒。腹痛逆氣。上衝。此邪營既久。少火化為壯火。氣鈍不循。胞脈遂痺。治以泄少陽補太陰。氣血流利。鬱熱可解。

人參

柴胡

當歸

白朮

丹皮

甘草

茯苓

木火上
升喉腫

吳三

脈弦濇數。頸項結癭。咽喉痛腫阻痺。水穀難下。此皆

痺

情志鬱勃。肝胆相火。內風上循清竅。雖清熱直降。難制情懷之陽。是以頻藥勿效也。

鮮枇杷葉

射干

牛蒡子

蘇子

大杏仁

紫降香

朱

木火上
升肺不
肅降

情懷悒鬱。五志熱蒸。痰聚阻氣。腕中窄隘。不舒脹。及背部上焦清陽欲結。治肺以展氣化。務宜怡悅開懷。莫

令營痺綿延

鮮枇杷葉

杏仁

瓜萸皮

鬱金

半夏

茯苓

薑汁

竹瀝

又

脈左大弦數。頭目如蒙。背俞腫脹。都是鬱勃熱氣上

升氣有餘便是火治宜清上

羚羊角

夏枯草

青菊葉

瓜蒌皮

杏仁

香附

連翹

山梔

又

苦辛清解鬱勃頭目已清而膈噎氣頗覺穢濁此肝

胆厥陽由胃系上冲所致丹溪謂上升之氣自肝而出

是其明徵矣

川連

薑汁

半夏

枳實

桔梗

橘紅

瓜蒌皮

醫案
清上焦

吳氏

氣血鬱痺久乃化熱女科八脈失調漸有經阻痰帶

諸疾但先治其上勿滋膩氣機

黑山梔皮 炒黃川貝 枇杷葉 瓜蒌皮

杏仁 鬱金 橘紅

陰火上炎 徐氏 火升頭痛來去無定期咽喉垂下心悸二便不爽帶

下不已固奇經通補陽明及養肝熄風展轉未能却病病從情志內傷治法唯宜理偏議先用滋腎丸三錢早

上淡鹽湯送四服

壽熱 庚三脈數舌白神呆得之鬱怒

犀角 羚羊角 野鬱金 炒遠志

鮮石菖蒲 炒丹皮 黑山梔 茯神

王三 痰多咽痛頻遭家難鬱傷心中空洞嗆逆不已議與

胃藥 金匱麥門冬湯

鬱損脈絡痰飲阻氣

陸二病起憂慮上損。兩年調理幾經反覆。今夏心胸右脇

之間常有不舒之象。此氣血內鬱少展。支脈中必有痰飲氣阻。是宜通流暢脈絡。夏季宜進商矣。

天竺黃 茯神 鬱金 橘紅 遠志

石菖蒲 丹參 琥珀 竹瀝法丸

血絡鬱痺右脇痛

趙六二脈左瀯右弦。始覺口鼻中氣觸腥穢。今則右脇板痛。

呼吸不利。卧着不安。此屬有年鬱傷。治當宜通脈絡。

金鈴子 延胡 桃仁 歸鬚

鬱金 降香

鬱熱傷肝陰

王女陰虛齒衄腸血未出閣鬱熱為多與養肝陰方。

生地

天冬

阿膠

女貞子

旱蓮草

白芍

茯神

烏骨雞

肝腎熱

張六情志連遭鬱勃臟陰中熱內蒸舌絳赤糜乾燥心動

悸若飢食不加餐內傷情懷起病務以寬懷解釋熱在至陰鹹補苦泄是為醫藥

雞子黃

清阿膠

生地

知母

川連

黃柏

肝腎液

許

厥陰少陰臟液乾涸陽升結痺於喉舌皆心境失暢

所致藥無效者病由情懷中來草木涼藥僅能治六氣

外來之偏耳

熟地

女貞

天冬

霍山石斛

栢子仁

茯神

經絡氣
血鬱滯

五
六

久鬱氣血不行。升降皆鈍。外涼內熱。骨節沉痛。肌腫

腹膨。膚腠無汗。用藥務在宣通。五鬱六鬱大旨。

香附汁

白茯苓

鈎藤

丹皮

山梔

撫芎

澤蘭

薑黃

神麩

金

氣血久鬱成熱。腕脇痺悶。不通常有風疹。腹痛。痰痺

已深發時宜用通聖一劑。平時以通調氣熱之鬱。

土瓜蘖皮

枇杷葉

黑山梔

鬱金

桃仁

杏仁

楊 驚惶忿怒都主肝陽上冒血沸氣滯瘀濁宜宣通以
就下因悞投止塞舊瘀不清新血又瘀絡中匝月屢屢
反覆究竟肝胆氣血皆鬱仍宜條達宣揚漏瘍在肛得
體中稍健設法

旋覆花

新絳

青葱管

炒桃仁

栝子仁

營勞

趙

氏 癩癰寒熱盜汗腕中痠聚經期不來大便燥噎咳減

食春深至冬未痊此乃鬱損感勞難治之症

香附

丹皮

歸身

白芍

川貝

茯苓

牡蠣

夏枯草

胡氏頭項結核暮夜寒熱盜汗此乃憂鬱不解氣血皆虛

倘若經阻便難調治

炒當歸

炒白芍

炙草

廣皮

茯苓

鉤藤

南棗

張氏

據說喪子悲哀是情志中起因鬱成勞知飢不能食

內珠忽陷忽脹兩脇忽若刀刺經先期色變癆紫半年

來醫藥無效者情懷不得解釋草木無能為矣

人參

當歸

生白芍

炙草

肉桂

炒杞子

茯苓

南棗

素問六元正紀大論言五鬱之發乃因五運之氣有

暗論

力得清
惟重後
厭

太過不及。遂有勝復之變。由此觀之。天地且有鬱而
况於人乎。故六氣着人。皆能鬱而致病。如傷寒之邪
鬱於衛。鬱於營。或在經。在腑。在臟。如暑濕之蘊結在
三焦。瘟疫之邪。客於募原。風寒濕三氣雜感而成痺
症。總之邪不散。即謂之鬱。此外感六氣而成者也。
前人論之詳矣。今所輯者。七情之鬱。居多。如思傷脾。
怒傷肝之類是也。其原總由於心。因情志不遂。則鬱
而成病矣。其症心脾肝胆爲多。案中治法。有清泄上
焦鬱火。或宣暢少陽。或開降肺氣。通補肝胃。泄胆補
脾。宣通脈絡。若熱鬱至陰。則用鹹補苦泄。種種治法。

未能按症分析詳論。今舉其大綱。皆因鬱則氣滯。氣滯久則必化熱。熱鬱則津液耗而不流。升降之機壞。度初傷氣分。久延血分。延及鬱勞沉痾。故先生用藥大旨。每以苦辛涼潤宣通。不投燥熱。斂滯呆補。此其治療之大法也。此外更有當發明者。鬱則氣滯。其滯或在形軀。或在臟腑。必有不舒之現症。蓋氣本無形。鬱則氣聚。聚則似有形。而實無質。如胸膈似阻。心下虛痞。脅脹背脹。腕悶不食。氣痕攻衝。筋脈不舒。醫家不察。誤認有形之滯。放膽用破氣攻削。迨至愈治愈劇。轉方又屬呆補。此不死於病。而死於藥矣。不知情

志之鬱。由於隱情曲意不伸。故氣之升降開闔樞機不利。雖內經有泄折達發奪五鬱之治。猶慮難復全功。故疏五過論有始富後貧。故貴脫勢。總屬難治之例。蓋鬱症全在病者能移情易性。醫者構思靈巧。不重在攻補。而在乎用苦泄熱。而不損胃。用辛理氣。而不破氣。用滑潤濡燥澁。而不滋膩氣機。用宣通而不擾苗助長。庶幾或有倖成。若必欲求十全之治。則惟道家有一言可以蔽之。曰。欲要長生。先學短死。此乃

治鬱之金丹也。

華岫雲

風火上

秦氏

肝火

此亦為病者之不得另立一門如此則
五藏之大者立五門矣

年前肝風眩暈主以涼血分利陽熄風二年未發今

歲正月春寒非比天暖開泄此番病發必因勞怒觸動

情志至於嘔逆微冷倏熱交丑寅漸作耳鳴咽痺食納

久留腕中想少陽木火盛於寅膽脈貫耳犯逆之威必

向陽明而後上憑諸竅脈右濇大胃逆不降食味不甘

而腕中逆亂薰蒸日熾營血內耗無以養心斯寤不肯

寐心搖蕩漾有難以鳴狀之象今頭重腕痺全是上焦

為木火升騰阻遏清陽前方滋清血藥居多必不奏功

今議湯劑方以苦降其逆辛通其痺然湯宜小其製度
以久病體虛初春若此冬藏未為堅固可知其丸劑當
以局方龍薈丸暫服半月再議

連翹一錢 黑梔皮一錢 羚羊角一錢 鮮菊葉三錢

紫苑二錢 鬱金八分 大杏仁去皮尖勿研六粒

土瓜萋皮一錢 鮮菖蒲根四分 午服

沈女 腹痛少減嘔逆已止上焦熱下焦冷肝陽尚未和平

擬進當歸龍薈法

仿自當之方知其苦

當歸 龍胆草 川棟子 蘆薈

川連 吳萸 大茴

會沉苦 爰可治 腸熱結 通之症

不可嘗試
便燥潤
心脾
丸為主

黃氏 肝膽風火上鬱頭面清空之筋掣不和治以清散

羚羊角 犀角 山梔 連翹

瓜蒌皮 荷葉梗 薄荷梗 青菊葉

鄭比 巔脹神迷經脈抽痛脹悶不欲納食一月經期四至

此鬱傷氣血成疴 龍薈丸二錢五分三服

葉氏 厥陽擾亂神明經色已黑肢冷面青便秘

龍薈丸一錢二分十服

勞心陽
動木火

闕八 誦讀吟咏身雖靜坐而心神常動凡五志之動皆陽

陽胃無制清靈遂蒙易旨以蒙乃外加之義述病發之

時頭中欲招腕欲撫摩二便必不自利此腑氣之窒由

平肝胆厥拂逆起見矣議從手經上焦治。

羚羊角

連翹心

玄參

石菖蒲根

鬱金

麥冬

竹葉

氣火鬱
肌痛

唐女

脈左瀼右弦氣火不降胸脇隱痛腕不爽最慮失血

川貝

山梔

丹皮

鬱金汁

鈎藤

瓜蒌皮

茯苓

橘紅

又

以有凌飲

氣火上鬱腕中空痛嘔涎先以開通壅遏

香豉

瓜蒌皮

山梔

鬱金

竹茹

半夏麩

杏仁

葛

喘怒噎噎氣火逆飛致血痺咽痛食物厭惡耳前後

怒動胆
劣

遶肩閃刺議解少陽

夏枯草

丹皮

桑葉

鈎藤

山梔

地骨皮

肝腎陰
虛風陽
上升

朱五頭痛神煩忽然而至五行之速莫如風火然有虛實

內外之因非徒發散若寒為事矣如向有肝病目疾喪
明是陰氣久傷體質今厥陰風木司天春深發泄陽氣
暴張即外感而論正內經冬不藏精春必病溫育陰可
使熱清大忌發散蓋陰根久傷表之再傷陽劫津液仲
景謂一逆尚引且再逆促命期矣余前主阿膠雞子黃
湯佐地冬壯水芍甘培土亟和其厥陽衝逆之威鹹味

入陰甘緩其急與內經肝病三法恰合今已入夏三日
虛陽條上煩躁頭痛當大滋腎母以甦肝子補胃陰以
杜木火乘侮旬日不致反覆經月可望全好

此方作左傳若作左利則天夜矣
人參

熟地

天冬

麥冬

龜膠

阿膠

北味

茯神

絡熱

陸 鼻左竅有血左肩胛臂痛皆君相多動營熱氣偏脈
得右虛左數先以清肝通絡。

丹皮

山梔

羚羊角

夏枯草

蚕沙

鈎藤

連翹

青菊葉

肝者將軍之官相火內寄得真水以涵濡真熱以制

伏木火遂生生之機本無是症之名也蓋因情志不舒則生鬱言語不投則生嗔謀慮過度則自竭斯罷極之本從中變火攻衝激烈升之不熄爲風陽却而不透爲鬱氣皖脇脹悶眩暈猝厥嘔逆淋閉狂躁見紅等病由是來矣古人雖分肝風肝氣肝火之殊其實是一源若過鬱者宜辛宜涼乘勢達之爲妥過升者宜柔宜降緩其旋擾爲先自竭者全屬乎虛當培其子母之臟至於犯上侮中乘下諸累散見各門可攷

邵新甫

[The main body of the page contains several columns of extremely faint, illegible text, likely bleed-through from the reverse side of the paper. The text is too light to transcribe accurately.]

不寐

心火

倪

多痛陽升陰液無以上注舌涸赤絳煩不成寐當益

腎水以制心火。

鮮生地

玄參

麥冬

菉豆皮

銀花

竹葉心

肝火

吳

少陽鬱火不寐。

丹皮

半夏

鈎藤

桑葉

茯苓

橘紅

程氏

上晝氣逆填腕子夜寤不肯寐乃陽氣不降議用溫

不寐

五

陽蹻脈
虛

膽湯 溫膽去枳實加金斛 滾痰丸二錢五分

顧四鬚鬢已蒼面色光亮操心煩勞陽上升動痰飲亦得

上溢靈樞云陽氣下交入陰陽蹻脈滿令人得寐今氣

越外泄陽不入陰勉飲酒醴欲其神昏假寐非調病之

法程凡中年已後男子下元先損早上宜用八味丸服

時用半夏秫米湯

某 陽不交陰夜卧寐躁 小半夏湯

趙氏 嘔吐眩暈肝胃兩經受病陽氣不交於陰陽蹻穴空

寤不肯寐 靈樞方半夏秫米湯主之

又 接用人參溫膽湯

脾營虛

某^四脈濇不能充長肌肉夜寐不適脾營消索無以灌漑

故耳當用歸脾湯意溫之

嫩黃芪

於木

茯神

遠志

棗仁

當歸

炙草

桂圓

新會皮

胆液虧
陽升虛

某

肝陽不降夜無寐進酸棗仁法

棗仁

知母

炙草

茯神

小麥

川芎

某

不寐六十日溫胆諸藥不效嘔痰不適明係陽升不

降用金匱酸棗仁湯

棗仁

知母

茯苓

川芎

炙草

不寐

六

陳 陰精走泄復因瀉瀉重亡津液致陽暴升胃逆食入
欲嘔神識不靜無寐議酸棗仁湯

棗仁 五錢
炙草 五分
知母 二錢
茯苓 二錢

某三寤不成寐食不甘味。在羸脈細數。瀆陰液內耗厥陽
外越。此火化風燔燥煽動。此屬陰損最不易治。姑與仲
景酸棗仁湯

棗仁 炒黑勿研 三錢
知母 一錢
雲茯神 三錢

生甘草 五分
川芎 五分

景岳

川腎陰
虧陽浮

田 臟液內耗心腹熱灼陽氣不交於陰陽踰穴空令人

寤不成寐靈樞有半夏秫米法但此病乃損及肝腎欲

求陽和須介屬之醜佐以酸收甘緩庶幾近理

龜膠

淡菜

熟地

黃栢

茯苓

萸肉

五味

遠志

又 鹹苦酸收已效下焦液枯須填實肝腎

龜膠

熟地

菴蓉

天冬

萸肉

五味

茯苓

羊內腎

不寐之故雖非一種總是陽不交陰所致若因外邪而不寐者如傷寒瘧疾等暴發營衛必然窒塞升降必然失常愁楚呻吟日夜難安當速去其邪攘外即所以安內也若因裏病而不寐者或焦煩過度而離

不寐

七

宮內燃從補心丹及棗仁湯法或憂勞憤鬱而耗損
心脾宗養心湯及歸脾湯法或精不妄神而龍雷震
蕩當壯水之主合靜以制動法或肝血無藏而魂搖
神漾有鹹補甘緩法胃病則陽蹻穴滿有靈樞半夏
秫米湯法膽熱則口苦心煩前有溫胆湯先生又用
桑葉丹皮山梔等輕清少陽法營氣傷極人參人乳
並行陽浮不攝七味八味可選餘如因驚宜鎮因怒
宜踈飲食痰火爲實新產病後爲虛也

邵新甫

不寐之因不一案中不得一博考方知

體 亦不必多立一州以花甲之三也

陽升

某

陽升體雜

麥冬 三錢

生地 二錢

柏子仁 一錢

川斛 三錢

茯神 三錢

黑糖豆皮 三錢

心陽

某

心中煩熱頭上汗泄汗止自安易體

淮小麥

柏子仁

茯神

炙草

南棗

辰砂

血虛

程氏

血虛心體咽啞

生地

天冬

麥冬

女貞子

百發百中

體

大

肝陰虛

某氏 經牛月一至夜體痛

生白芍

炙草

菘神

麻仁

生地

阿膠

天冬

茯神

白芍

丹參

體有虛實真偽其病總在於胃經云飲入於胃遊溢

精氣上輸於脾脾氣散精上歸於肺又云脾與胃以

膜相連耳又云脾主為胃行其津液者也由此觀之

脾屬陰主乎血胃屬陽主乎氣胃易燥全賴脾陰以

和之脾易濕必賴胃陽以運之故一陰一陽互相表

裏合沖和之德而為後天生化之源也若脾陰一虛

則胃家飲食遊溢之精氣全輸於脾不能稍留津液以自潤則胃過於燥而有火矣故欲得食以自資稍遲則餽雜愈甚得食則餽可暫止若失治則延便閉三消噎膈之症治當補脾陰養營血兼補胃陰甘涼濡潤或稍佐微酸此乃脾陰之虛而致胃家之燥也更有一切熱病之後胃氣雖漸復津液尚未充亦有是症此但以飲食調之可以自愈此二種乃爲虛餽症所謂實者年歲壯盛脾胃生發之氣與腎陽充旺食易消磨多食易饑而餽得食卽止此非病也不必服藥以上皆是眞餽症所云僞者因胃有痰火以致

飲食輸化不清或現惡心吞酸微煩眩暈少寐似饑
非饑雖飽食亦不能止此乃痰火爲患治宜清胃稍
佐降痰苦寒及膩滯之藥不宜多用又有胃陽衰微
以致積飲內聚水氣泛溢似有凌心之狀淒淒戚戚
似酸非酸似辣非辣飲食減少此屬脾胃陽虛治宜
溫通倣痰飲門而治之此二種乃似饑之僞症若夫
所云心饑者誤也心但有煩而無饑胃但有饑而無
煩亦不可不辨明之今先生之法僅有四案倘好善
之士更能搜採補入則幸甚

華陽雲

三消

消病與大症僅例以數案編書之道漏耶

鬱火

計四能食善飢渴飲日加癯瘦心境愁鬱音利枯也內火自燃乃消

症大病

生地

知母

石膏

麥冬

生甘草

生白芍

煩勞心營熱

王

五八

肌肉瘦減善飢渴飲此久久煩勞壯盛不覺體衰病

發皆內因之症自心營肺衛之傷漸損及乎中下按脈

偏於左搏營絡虛熱故苦寒莫制其烈甘補無濟其虛

是中上消之病

犀角 三錢

鮮生地 一兩

玄參心 二錢

鮮白沙參 二錢

麥冬 二錢

柿霜 一錢

生甘草 四分

鮮地骨皮 三錢

又 固本加甜沙參

肝陽犯胃

楊八 肝風厥陽上冲眩暈犯胃為消。

石膏

知母

阿膠

細生地

生甘草

生白芍

某 液涸消渴是臟陰為病但胃口不醒生氣曷振陽明

陽土非甘涼不復肝病治胃是伸景法。

人參

麥冬

粳米

佩蘭葉

川斛

陳皮

陽動
津

胡^五元陽變動為消與河間甘露飲方
河間甘露飲

錢^五陽動消燥甘緩和陽生津

生地
炙黑甘草
知母
麥冬

棗仁
生白芍

腎消

楊^二湯飲頻飢溲溺渾濁此屬腎消陰精內耗陽氣上燔

舌碎絳赤乃陰不上承非客熱宜此乃臟液無存豈是

平常小恙

熟地
萸肉
山藥
茯神

牛膝
車前

腎陰虛
胃火旺

某
脈左數能食
六味加二冬龜版女貞旱蓮川斛

腎陰虛
心火亢

王四形瘦脈搏渴飲善食乃三消症也古人謂入水無物

不長入火無物不消河間每以益腎水制心火除腸胃

激烈之燥濟身中津液之枯是真治法 玉女煎

姜三五經營無有不勞心心陽過動而腎陰暗耗液枯陽愈

燔灼凡入火之物必消燦乾枯是能食而肌肉消癯用

景岳玉女煎

三消一症雖有上中下之分其寔不越陰虧陽亢津

涸熱滯而已改古治法唯仲景之腎氣丸助真火蒸

化上升津液本事方之神効散取水中鹹寒之物遂


其性而治之二者可謂具通天手眼萬世準繩矣他

隨之消渴
三消症也
卒然之症
而少使多
火在上而

陽反虧
用腎氣以
水今認
為三消之消
而欲使八
水升津以養
則笑設

如易簡之地黃引子。朱丹溪之消渴方以及茯苓丸
黃芪湯生津甘露飲皆錯雜不一。各有所在毫無成法可遵至
先生則範於法而不囿於法。如病在中上者。膈膜之
地而成燎原之場。即用景岳之玉女煎六味之加二
冬龜甲旱蓮一以清陽明之熱。以滋少陰。一以救心
肺之陰。而下顧真液。如元陽變動而為消燥者。即用
河間之甘露飲生津清熱潤燥養陰。甘緩和陽是也。
至于壯水以制陽光。則有六味之補三陰。而加車前
牛膝導引肝腎。斟酌變通。斯誠善矣。
鄒滋九

消渴之症有數種。案中俱未備。宜詳考之。



脾癰

中虛伏熱

某

無形氣傷熱邪蘊結不飢不食。豈血分賦滯可投口

甘一症。內經稱為脾癰。中焦困不轉運可知。

川連

淡黃岑

人參

枳實

淡乾薑

生白芍

某

口甜。是脾胃伏熱未清。宜用溫胆湯法。

川連

山梔

人參

枳實

花粉

丹皮

橘紅

竹茹

生薑

口甘一症內經謂之脾瘕。此甘非甘美之甘。瘕卽熱之謂也。人之飲食入胃。賴脾真以運之。命陽以腐之。譬猶造酒蒸釀者然。倘一有不和。肥甘之疾頓發。五液清華失其本來之真味。則滔滔之甜味。上泛不已。也。胃脘必痞。口舌必膩。不飢不食之由。從此至矣。內經設一蘭草湯。其味辛。足以散結。其氣清。足以化濁。除陳解鬱。利水和營。爲奇方之祖也。夾暑夾溼之候。每兼是患。以此爲君。參以苦辛之勝。配合瀉心等法。又如胃虛穀少之人。亦有是症。又當宗大半夏湯及六君子法。遠甘益辛可也。

何草者人
未定見古者頭
此草老之稔說
余曾以建茶後
小中陳氣頗效
未知果否後再

脾癰症經言因數食甘肥所致蓋甘性緩肥性膩使

脾氣遏鬱致有口甘內熱中滿之患故云治之以藷

除陳氣也陳氣者即甘肥釀成陳腐之氣也夫藷草

即為佩蘭俗名為省頭草未唯婦人插於髻中以辟髮中

油穢之氣其形似馬蘭而高大其氣香其味辛其性

涼亦與馬蘭相類用以醒脾氣滌甘肥也今二案中

雖未曾用然用人參以助正氣餘用苦辛寒以開氣

泄熱枳實以理氣滯亦祖藷草之意即所謂除陳氣

也此症久延即化燥熱轉為消渴故前賢有膏粱無

厭發癰疽熱燥所致淡薄不堪生腫脹寒濕而然之

論余於甘肥生內熱一症。悟出治胃寒之一法。若貧人淡薄茹素。不因外邪。亦非冷飲停滯。其本質有胃寒症者。人皆用良薑丁香。藿藜撥吳萸。乾薑附子等。以溫之。不知辛熱剛燥。能散氣。徒使胃中陽氣逼而外泄。故初用似效。繼用則無功。莫若漸以甘肥投之。或稍佐鹹溫。或佐酸溫。凝養胃陽。使胃脂胃氣日厚。此所謂藥補不如食補也。又有腎陽胃陽兼虛者。曾見久服鹿角膠而愈。卽此意也。未識高明者。以爲然否。

華岫雲

瘧

瘧瘧

孫 陰氣先傷陽氣獨發猶是伏暑內動當與金匱瘧瘧

同例

竹葉

麥冬

生地

玄參

知母

梨汁

蔗漿

施 發熱身痛咳喘暑濕外因內阻氣分有似寒慄皆肺

病也

竹葉

連翹

薄荷

杏仁

滑石

鬱金汁

又微寒多熱舌心乾渴飲腕不爽此屬癰瘡治在肺經

杏仁

石膏

竹葉

連翹

半夏

橘紅

程

陰氣先傷陽氣獨發有癰熱無寒之慮

鮮生地

知母

麥冬

竹葉心

滑石

唐

未病形容先瘦既病暮熱早涼猶然行動安舒未必

真正重病傷寒也但八九日病來小愈驟食粉糲腥麵

當宗食穀發熱損穀則愈仲景未嘗立方此腹痛洞瀉

食滯阻其腸胃大腑不司變化究其病根論幼科體具

純陽瘦損於病前亦陽亢為消燥仲景謂癰瘡者單熱

不寒。本條云陰氣孤絕、陽氣獨發、熱灼煩冤、令人消爍。

方本利福丸論病不是有一條即附一方也。此則內經所論皆不必有方耶。

肌肉亦不設方。但云以飲食消主之。嘉言言主以甘寒。

生津可愈。重後天胃氣耳。洞瀉既頻。津液更傷。苦寒多。

餌熱仍不已。暮夜昏譫。自言胸中格拒。腹中不和。此皆。

病輕藥重。致陰陽二氣之殘。懋法當停藥與穀。諒進甘。

酸解其煩渴。方有斟酌。

又 鼻燥唇裂舌腐。頻與芩連熱不肯已。此病本輕藥重。

於攻擊。致流行之氣結閉不行。鬱遏不通。其熱愈甚。上。

則不嗜飲。不納食。小溲煩利。便必管痛。二焦皆閉。神昏。

瘳癡有諸。

連翹心三錢

鮮石菖蒲

汁一錢半

川貝母三錢

杏仁二十粒

射干二分

淡竹葉一錢半

又

自停狠藥日有向愈之機胃困則痞悶不欲食今雖

未加餐已知甘美皆醒之漸也童真無下虛之理溲溺

欲出尿管必痛良由肺津胃汁因苦辛燥熱烈氣味劫

奪枯槁腸中無以運行庸醫觀此必以分利所謂泉源

既竭當滋其化源九竅不和都屬胃病。

麥門冬二錢

甜杏仁四錢

甜水梨皮三錢 蔗漿一木

張

舌赤煩汗不寐肢體忽冷乃穉年癰瘡暑邪深入所

致

杏仁

滑石

竹葉

西瓜翠衣

知母

花粉

又

熱甚而厥幼穉瘧症皆然

竹葉石膏湯去人參半

夏加知母

溫瘧

某

風溫陽瘧

杏仁

滑石

連翹

黃芩

青蒿

淡竹葉

下

脈右數左小弱面明夏秋伏暑寒露後發微寒多熱

嘔逆身痛蓋素有痰火暑必挾濕病自肺經而起致氣

不宣化不飢不食頻溺短縮乃熱在氣分當與溫瘧同

例忌葛柴足六經藥。桂枝白虎湯加半夏

胡按仲景云脉如平人但熱無寒骨節煩疼微嘔而渴

者病名溫瘧桂枝白虎湯主之。桂枝白虎湯

蓋今年夏秋久熱口鼻吸暑其初暑邪輕小不致病

發秋深氣涼外束裏熱欲出與衛營二氣交行邪與

二氣遇觸斯爲熱起臨解必有微汗者氣邪兩泄然

邪不盡則混處氣血中矣故聖人立法以石膏辛寒

清氣分之伏熱佐入桂枝辛甘溫之輕揚引導涼藥

以通營衛兼知母專理陽明獨勝之熱而手太陰肺

亦得秋金肅降之司甘草粳米和胃陰以生津此一

舉兼備方下自註云一劑知二劑已知者謂病已知其對症已者中病當愈之稱耳

鄧 寒少熱多胸中痞脹温邪未解謾言止截

淡黃芩 炒半夏 薑汁 生白芍

草薺 知母 烏梅

又 照前方去半夏薑汁加鱉甲

吳 間日寒熱目黃口渴温邪兼雨濕外薄為瘧

滑石 杏仁 白蔻仁 淡黃芩

半夏 鬱金

又 脉數舌紅口渴熱邪已入血分

竹葉

石膏

生地

丹皮

知母

青蒿梗

又

飲食不節腹中不和瘧邪攻胃

鮮首烏

烏梅肉

生蠶甲

黃芩

丹皮

草蓂

知母

送保和丸二錢

又

人參

生穀芽

枳實汁

茯苓

廣皮

炒半夏麴

朱

舌黃煩渴身痛心腹中熱躁暑熱不解為瘧經言暑

脈自虛皆受從前疲藥之累瘵

石膏

知母

生甘草

炒粳米

暑瘵

麥冬

竹葉

何勞倦傷氣遺洩傷陰暑邪變瘧熾則煩冤最盛分解使邪勢輕參朮芪附皆固閉邪氣也

草果仁

知母

淡黃芩

川貝母

青蒿

花粉

馮

暑傷氣分上焦先受河間法至精至妙後醫未讀其

書焉能治病臻效邪深則瘧來且遲氣結必胸中混濛

如瘧無形之熱漸蒸有形之痰此消道發散都是劫津

無能去邪矣

此味產方

石膏

杏仁

半夏

厚朴

知母

竹葉

黃

脉數目皆黃舌心乾白黃胎口中粘膩腕中痞悶不

思納穀由於途次暑風客邪內侵募原營衛不和致發

瘧疾夫暑必兼濕濕也熱也皆氣也氣與邪搏則清濁

交混升降自阻古稱濕遏必熱自生矣聖帝論病本乎

四氣其論藥方推氣味理必苦降辛通斯熱氣痞結可

開消導攻滯香燥泄氣置暑熱致病之因於不治不識

何解瘧邪而不自以裝切散少陽出入之種不知何解

川連

黃芩

花粉

桔梗

白蔻仁

荷金

橘紅

六一散

又 苦降能驅熱除濕乎通能開氣宣濁已經見效當減其製仍如其意

川連

桔梗

白蔻仁

厚朴

茵陳

茯苓皮

銀花

白通草

胡

間日瘧疾多腕悶汗多心熱伏暑內熾忌與風寒表

藥

以毒病非藥則寒熱之知何從而出

滑石

黃芩

厚朴

杏仁

通草

白蔻

半夏

瓜蒌皮

知母

又

黃芩

草果

知母

半夏

生白芍

烏梅

汪氏 微冷熱多。舌白脘悶嘔惡暑穢過募原為瘧。

杏仁

鬱金

滑石

厚朴

黃芩

炒半夏

白蔻

橘紅

某 舌白脘悶寒起四末渴喜熱飲此濕邪內蘊脾陽不

主宜透而成濕瘧

厚朴

半一錢

杏仁

半一錢

草果仁

一錢

半夏

半一錢

茯苓

三錢

廣皮白

半一錢

某五 瘧止面浮漸及脘腹

苡仁

桑白皮

茯苓

大腹皮

薑皮

廣皮

某 問瘧寒熱俱微此屬濕瘧

杏仁 三錢

厚朴 一錢

桂枝木 五分

飛滑石 三錢

草果 八分

炒半夏 一錢

茯苓皮 三錢

綿茵陳 半錢

牛 八 寒來喜飲熱湯發熱後反不渴問瘧已四十日今雖

止不飢不思食五味入口皆變初病舌白乾嘔濕邪中

於太陰脾絡濕鬱氣滯喜熱飲暫通其鬱邪蒸濕中生

熱六腑熱灼津不運行至大便鞭秘此為氣痺濕結當

薄味緩調令氣分清肅與脾約似同但神景氣血兼治

此病却專傷氣分

炒黃半夏

生益智仁

綿茵陳

廣皮

厚朴

茯苓

又 瘧止。舌白。不飢。大便旬日不通。此皆留邪。堵塞經腑。隧道之流行。久延必致腹脹癥瘕。

杏仁

白蔻仁

半夏

厚朴

生香附汁

廣皮

茯苓皮

接服半碗丸二錢

某 脉右弦左弱。留邪未盡。大便粘稀。最防轉痢。較七八日前。勢減一二。但去疾務盡。苦辛寒逐其蘊伏。而通利小便。亦不可少。

草果

知母

厚朴

茯苓

木通

滑石

濕熱

曹 身痛。舌白。口渴。自利。此濕溫客氣為瘧。不可亂投柴

葛。仲景有濕家忌汗之律。

此真柴胡之症

飛滑石

杏仁

鬱金

淡黃芩

白蔻仁

防已

又 濕甚為熱。心痛。舌白。便渡。治在氣分。

竹葉心

麥冬

鬱金

菖蒲

飛滑石

橘紅

化服牛黃丸

又 心下觸手而痛。自利。舌白。煩躁。都是濕熱阻氣分。議

開內閉。用瀉心湯。

川連

淡黃芩

乾薑

半夏

早見

人參

枳實

又神氣稍清。痛處漸下。至臍濕傷在氣。熱結在血。吐咯帶血。猶是上行為逆。熱病痰留。必從下出為順。

川連

黃芩

乾薑

半夏

人參

枳實

白芍

炒查肉

費舌白渴飲身痛嘔惡大便不爽診脈濡小乃暑濕從

口鼻入濕甚生熱四末擾中癰發腕痞脹痺當以苦辛寒清上徹邪不可謂遺泄而病輒與溫補助邪

黃芩

知母

白蔻

鬱金

蘘皮

厚朴

杏仁

半夏

薑汁

石膏

又 脈濡口渴餘熱尙熾

人參

知母

石膏

竹葉

甘草

麥冬

又 熱緩不欲食津液受燥當和胃生津

人參

五味

知母

橘紅

炒白芍

半夏麴

張 瘡家濕瘡忌用表散 蒼木白虎湯加草果

曹 寒從背起汗泄甚面無淖澤舌色仍白邪未盡正先

怯心虛瘳震恐亡陽厥脫議用仲景救逆法加參

又 舌絳口渴汗泄瘳來日晏寒熱過多身中陰氣大傷

陽虛

剛補勿進。議以何人飲。

人參

破殺之耶

何首烏

孫陽虛之體。伏暑成瘧。涼藥只宜少用。身麻屬氣虛用。

生薑瀉心法。

伏暑大忌

半夏

生薑汁

茯苓

炙甘草

南棗肉

沈陽微復瘧。

桂枝

當歸

黃芪

防風

鹿角屑

薑汁

南棗

三五 勞瘧入陰。夏月陽氣發泄。仍然勞苦經營。以致再來。

不愈。用藥以辛甘溫理陽為正。但未易驟效耳。

太熟之疾人參
柴胡同用則
托邪之藥也
桂同用則
邪矣古人製
方之道宜不
聞耶

人參

當歸

肉桂

炙草

川蜀漆

生薑

南棗

方

寒甚於背陽脉衰也

此等方邪從何處出耶

人參

鹿茸

炒當歸

炙草

鹿角霜

官桂

鑿甲煎丸

吳^六

背寒舌白粉胎知飢食無味此為無陽温中下以托

邪背寒風邪未淨也非温補可禦

生白朮

厚朴

桂枝

附子

草果仁

茯苓

又

照方去茯苓加人參炙草生薑

五...
六...
瘧

三

程 寒熱經月不止屬氣弱留邪以益氣升陽

補中益氣湯 何以肯用柴胡

又 生鹿茸 鹿角霜 人參 歸身

茯苓 炙草 生薑

某氏 達中法甚安知營衛二氣交餒夫太陽行身之背瘡

大概皆從發背冷不出四肢是少陰之陽不營太陽此汗大泄不

已矣孰謂非柴葛傷陽之咎歟議用桂枝加熟附子湯

人參桂枝湯加熟附

華氏 二十歲天癸始通面黃汗泄內熱外冷先天既薄瘧

傷不復內經謂陽維為病苦寒熱綱維無以振頓四肢

胡是瘧疾
藥葛根不
并言

骨節疼痛通入脉以和補調經可以却病

淡菴蓉

鹿角霜

當歸

川芎

杜仲

小茴

茯苓

香附

顧氏

進護陽方法諸症已減寒熱未止乃久病陽虛脉絡

未充尙宜通補爲法

人參

生鹿茸

當歸

紫石英

茯苓

炙草

煨薑

大棗

又

經邪不盡寒熱未止緣瘧久營衛氣傷脉絡中空乏

屢進補法僅能填塞絡中空隙不能驅除蘊伏之邪擬

進養營法取其養正邪自却之意

品登百百醫案 卷六 瘧

三五

太邪從者用邪未
益從古法使用溫補
以此千古不易
何種淡說尚
不知也若死虛
世上有不得
瘧病中世
外科散寒則有
有補生
利西陽

此老甚矣此理
及此壯然也奇哉

人參 當歸 杞子 生白芍 茯苓

桂心 煨薑 南棗

袁婦 脉弦緩寒戰甚則嘔吐噫氣腹鳴漉洩是足太陰脾

寒也且苦辛寒無見家屢用不效俱不對病反傷脾胃

人參 半夏 草果仁 生薑

新會皮 醋炒青皮

又 靈樞經云中氣不足洩便為變况老年人驚恐憂勞

深夜不得安寐遂致寒戰瘡發當以病因而體貼諦視

其為內傷實屬七八見瘧通套已屬非法若云肺瘧則

秋涼不發何傳及於冬令小雪當以勞瘧稱之夫勞必

傷湯氣宜乎四末先冷瘧邪傷中爲嘔惡腹鳴矣用露薑飲

又陽陷入陰必目瞑欲寐寒則肉腠筋骨皆疼其籜籜護衛太怯者不知飢焉得思穀老年人須血氣充溢使邪不敢陷伏古賢有取升陽法。

嫩毛鹿角 人參 當歸 桂枝 炙甘草

又前議勞傷陽氣當知內損邪陷之理凡女人天癸既絕之後其陰經空乏豈但營衛造偏之寒熱而已故溫脾胃及露薑治中宮營虛但畏寒不知熱爲牝瘧蓋牝爲陰身體重着亦是陰象此辛甘理陽鹿茸自督脉以

廣作化

別本六

作牡

照提非比薑附但走氣分之剛暴驅邪益虛却在營分
奇經曰陽維脈為病發寒熱也。

鹿茸

鹿角霜

人參

當歸

潯桂

茯苓

炙草

又正氣和營瘧戰已止當小其製

人參

鹿茸

當歸

炒杞子

沙苑

茯苓

炙草

某瘧後脾腎陽虛便溏畏寒肢體疲倦當防腫脹。

附子

白朮

茯苓

澤瀉

苡仁

生薑

大棗

某 陰瘧已亂汗多。

桂枝

牡蠣

有牡蠣不必此

生黃芪

炙草

歸身

五味

煨薑

大棗

某

脉沉舌白。呃忒時時煩躁。向係陽虛痰飲瘧發三次。

即止。此邪窒不能宣越。並非邪去病解。今已變病。陰互

痰濁阻塞於中。致上下氣機不相維續。症勢險篤。捨通

陽一法。無方可擬。必得中陽流運。瘧症復作。庶有愈機。

淡附子

一錢半

生草果仁

錢半

生白芍

三錢

茯苓

三錢

生厚朴

一錢

薑汁

五分

一劑

此冷香真武合劑

胃陽虛
濕聚

某

伏暑胃涼發瘧。以羌防蘇葱辛温大汗。汗多衛陽大

傷胃津亦被劫乾致渴飲心煩無寐診脉左弱右促目
微黃嗜酒必中虛穀少易於聚濕蘊熱勿謂陽傷驟補
做內經辛散太過當食甘以緩之

大麥仁

炙草

炒麥冬

生白芍

茯神

南棗

又藥不對症先傷胃口宗內經辛苦急急食甘以緩之
仲景謂之胃減有不飢不欲食之患議用金匱麥門冬
湯澆胃汁以開痰飲仍佐甘藥取其不損陰陽耳金匱
麥門冬湯去棗米加茯神精稻根鬚

又

脉右大間日寒熱日晡微黃身痛此平素酒濕挾時

邪流行經脈使然前因辛溫大汗所以暫養胃口今脈

症既定仍從瘧門調治

草果

知母

人參

枳實

脾胃
陽虛

項

瘧已過月形脈俱衰平素陽虛虛則邪難解散腹脹

是太陰見症治從脾胃

人參張症宜一錢

半夏二錢

生於朮二錢

茯苓二錢

草菓仁二錢

汶薑一錢

陳

邪伏於裏積久而發道路已遠未能日有寒熱汗出

不解攻表無謂平昔肛垂骭痛必有濕痰阻隧舌白不

喜飲治在太陰陽明。

炒半夏

厚朴

草果

知母

薑汁

杏仁

虛

某

遺泄損陰。瘧熱再傷陰。聲嘶火升。乃水源不充。易怒

神躁。永不潤。木之象。用何人飲。佐清陰火。

產時火升。此方可服。

製首烏

人參

大冬

麥冬

知母

茯苓

某

氏。瘧已半年。今但微熱。無汗。身弱。自乳血去。傷陰。此頭

痛。是陽氣浮越。心痛如飢。晡熱。都是陰虛成熱。若不

斷。乳經去。不至為乾血。則服藥亦無用。

生地 三錢

阿膠 半一錢

生白芍 錢二

炙黑甘草 四分

麥冬 半一錢

火麻仁 一

粗桂枝木 三分

某

瘡後心悸氣怯便後有血是熱入傷陰用固本丸加

首烏阿膠

人參

生地

熟地

天冬

麥冬

製首烏

阿膠

某

陰液消亡小溲短赤皆瘡熱所傷不飢不納陰藥勿

以過膩甘涼養胃為穩

人參

生地

天冬

麥冬

川斛

蔗漿

另服資生丸

陰虛熱
飲血分

鄭

自來陰虛有遺洩。瘧邪更傷其陰。寐多盜汗。身動氣促。總是根本積弱。不主斂攝。此養陰一定成法。

熟地

生白芍

五味

炒山藥

茯神

芡實

湖蓮肉

張

脈數。瘧來日遲。舌乾渴飲。積勞悒鬱。內傷居多。致邪氣乘虛。漸劫陰氣。熱邪墜於陰。熱求小洩。頻數。故汗多不解。議清陰分之熱。以救津液。

活鱉甲

知母

草果

鮮生地

炒桃仁

花粉

翁

脈左弦。暮熱早涼。汗解渴飲。治在少陽。

青蒿

桑葉

丹皮

花粉

鱉甲

知母

沈十用力失血無非陽乘攻絡瘧熱再傷真陰肌消食減

自述夏暑汗泄頭顛脹大都是陰虛陽升清火皆苦寒

未必能和身中之陽也

鱉甲

生白芍

天冬

首烏

炙草

茯苓

某氏瘧熱傷陰小溲淋痛

生地

鱉甲

丹皮

知母

茯苓

澤瀉

百病全書

卷

朱五十瘧久後陰傷溺血 炒焦六味加龜甲黃柏

吳十四陰瘧後內熱 清骨散

結熱邪痞

項 陽氣最薄暑入為瘧先由肺病桂枝白虎湯氣分以

通營衛為正治今中焦痞阻冷飲不適熱邪宜清胃陽

亦須扶護用半夏瀉心法

半夏 川連 薑汁 茯苓

人參 枳實

結熱邪痞

王 汗出不解心下有形自按則痛語言氣窒不爽瘧來

鼻準先寒邪結在上當開肺痺醫見瘧治瘧焉得中病

桂枝 杏仁 炙草 茯苓

乾薑

五味

又 汗少喘緩肺病宛然獨心下痞結不通猶自微痛非
關誤下結胸陷胸等法未安况舌白渴飲邪在氣分倣
仲景與堅開痞

生牡蠣

黃芩

川桂枝

薑汁

花粉

炒黑蜀漆

又 照前方去花粉加知母草果

又 鱉甲煎丸 一百八十粒

王 舌白不大渴寒戰後熱神躁欲昏而心胸飽悶更甚
瘧係客邪先由四肢以擾中宮痰嗽嘔逆顯是肺胃體

虛邪聚閉塞不通。故神昏煩悶。鬱蒸汗泄。得以暫解。營衛之邪未清。寒熱漫延無已。此和補未必中竅。按經設法爲宜。

白蔻仁

大杏仁

焦半夏

薑汁

黃芩

淡竹葉

又寒熱瘧邪交會中宮。邪聚必脹悶嘔逆。邪散則安舒。當心胸之間。竝無停食之地。夫不正之氣爲邪。穢濁瀰漫。原非形質。可以攻消。苟非芳香。何以開其蒙閉之穢濁。欲少望見效。捨此捷徑。無成法可遵。道中知否耶。

牛黃丸一服

心經瘧

樂九二熱多昏譫舌邊赤舌心黃煩渴脈弱是心經熱瘧

投發散消導津劫液涸瘕厥至矣

犀角

竹葉

連翹

玄參

麥冬

銀花

陳前方復瘧昏迷此皆陽氣上胃救逆湯去薑加芍

又鎮逆厥止議養心脾營陰乃病後治法

人參

炙草

杞子

桂圓

炒白芍

棗仁

茯神

遠志

某三四肺瘧舌白渴飲咳嗽寒從背起此屬肺瘧

桂枝白虎湯

加杏仁

右加杏仁百有餘年

聖

范 脈寸大。汗出口渴。伏邪因新涼而發。間日瘧來。議治
手太陰

淡竹葉

大杏仁

滑石

花粉

淡黃芩

橘紅

金氏 肺癰腕痛。

黃芩

白蔻仁

杏仁

橘紅

青蒿梗

白芍

張姬 暑風入肺成瘧

淡黃芩

杏仁

滑石

橘紅

青蒿梗

連翹

陳^六歲冷、暖不調、夜熱多汗、咳嗽、忌葷腥油膩、可免瘧勞、温

邪如瘧、當治手太陰

竹葉心

麥冬

粳米

飛滑石

知母

炙草

柳 暑濕都傷氣分、不渴多嘔、寒起四肢、熱聚心胸、乃太

陰瘧也、仍宜苦辛、或佐宣解裏熱之劑

川連

黃芩

炒半夏

枳實

白芍

薑汁

煩躁甚、另用牛黃丸一丸

某 寒起嘔痰熱久不渴、多煩、中焦之邪、仍以太陰脾法

草果

知母

生薑

烏梅

炒半夏

桂枝木

早服鱉甲煎方

葛

瘧久舌白泄瀉太陰脾傷肌肉微浮宜補中却邪大

忌清剋發散

人參

草果

白芍

茯苓

煨老薑

炙草

王

脈濡不渴嘔痰不飢是太陰脾瘧當辛溫以理中焦

之陽

生於朮

半夏

草果

紫厚朴

茯苓

薑汁

又

太陰脾瘧必有寒濕凝阻其運動之陽所防久虛變

幼浮腫腹脹人參未能多用。權以生朮代之。但與絡水少遜。佐以通藥則無礙。

生於朮

桂枝朮

炒常山

茯苓

生鹿角

生薑汁

某 寒起四末渴喜熱飲屬脾瘧狀先當溫散。

杏仁

厚朴

草果仁

知母

生薑

半夏

金

既成間日寒熱瘧嘔吐痰涎其瘧邪大犯脾胃故不

飢不食脉仍虛舌白治在太陰不必攻表

人參

半夏

草果

橘紅

黃芩

知母

薑汁

沈^十歲脉濡寒熱瘧日遲腹微滿四肢不暖是太陰脾瘧用

露薑飲以升陽

人參 一錢

生薑 一錢

露一宿溫暖服

厥陰瘧

華

用動藥瘧止新沐瘧來陽弱失衛外邪直侵入裏試

以瘧來不得汗邪不從外解大著

川桂枝

炮黑川烏

生白朮

炒黑蜀漆

全蝎

厚朴

薑汁丸

晉陰虛

王^五

暑濕傷氣瘧久傷陰食穀煩熱愈加邪未盡也病已

一月不飢不飽大便秘阻仍有潮熱全是津液暗傷胃

口不得甦醒甘寒清熱佐以酸味胃氣稍振清補可投

麥冬

乾首烏

烏梅肉

知母

火麻仁

生白芍

既知邪未盡方中何不考神

高

陰虛溫瘧雖止而腰獨痛先理陽明胃陰俾得安穀

再商治腎

北沙參

麥冬

木瓜

蜜水炒知母

大麥仁

烏梅

周

舌白脉小暑邪成瘧麻黃劫汗傷陽遂變瘧症今痰

鹹有血右脇痛引背部不知飢飽當先理胃津

大沙參

桑葉

麥冬

茯神

胃逆不降

生扁豆

苡仁

楊 高年瘧熱劫胃汁遂不飢不飽不食不傾渴不嗜飲

味變酸濁藥能變胃方甦

人參

川連

枳實

牡蠣

淡乾薑

生薑

徐 脈數左寸大關弦瘧後食大輦太早胃氣受傷不得

下降致痞悶惡心痰多唇燥大便不利俱是腑氣不宣

之象擬進溫膽湯法以和胃氣

炒焦竹茹

炒焦半夏

草果仁

生枳實

杏仁

橘紅

金斛

花粉

黃 瘧後不飢咽即吐此脫膈痰與氣阻胃不降則不受

納俶温膽湯意佐以苦味降逆

鮮竹茹

枳實

炒半夏

茯苓

橘紅

川連

苦杏仁

鬱金汁

李 不飢口湧甜水瘧邪未清肝胃不和

川連

乾薑

枳實

瓜蒌仁

半夏

廣皮白

薑汁

又 口湧甜水脾瘰

川連

黃芩

厚朴

半夏

生乾薑

廣皮

煎送脾約丸

又 橘半枳朮丸

金 寒自背起、衝氣由臍下而升、清涎上湧、嘔吐遂飢、不

能食、此瘧邪深藏厥陰、邪動必犯陽明、舌白形寒、寒勝

都主胃陽之虛、然徒補鈍守無益

此非徒補而何

人參 半夏

廣皮白

薑汁

川椒

烏梅

附子

生乾薑

方 先厥而瘧、虵蟲下出、嘔逆腹鳴、腕痞室塞、此厥陰瘧

疾、勿得亂治

川連

淡乾姜

薑汁

川桂枝

生白芍

烏梅肉

黃芩

秋露水煎藥

又 陽微寒勝瘧久不已理胃陽以壯中富使四末之邪
不令徒犯脾胃

人參

炒半夏

生薑

烏梅

草果

炒常山

秋露水煎

又 辛酸兩和肝胃已效

人參

草果

生薑

生白芍

烏梅

炙鱉甲

吳 體豐色白陽氣本虛夏秋伏暑挾痰飲為瘧寒熱夜

作邪已入陰冷汗頻出陽氣益傷今診得脉小無力舌

白虛象已著恐延厥脫之慮擬進救逆湯法

人參

龍骨

牡蠣

炙草

桂枝木

炒蜀漆

煨薑

南棗

又

閩產陽氣偏泄今年久熱傷元初瘧發散不能去病

便是再劫胃陽致邪入厥陰昏冒大汗思肝腎同屬下

焦厥陽挾內風胃厥吐涎沫膠痰陽明胃中久寒熱戕

擾空虛若谷風自內生閩醫藥不分經辨症但以稱虛

道實宜乎鮮有厥效議用仲景安胃泄肝一法

人參

川椒

烏梅

附子

乾薑

桂枝

川連

生牡蠣

生白芍

又

諸症畧減寒熱未止尚宜實陽明泄厥陰為法

人參

炒半夏

淡乾薑

桂枝木

茯苓

生牡蠣

又

天暴冷陽傷泄瀉脈得左手似數而堅口微渴舌仍

白陰液既虧飲水自救非熱熾也議通塞兩用莫其寒

熱再緩

人參

淡附子

桂枝木

茯苓

生牡蠣

炒黑蜀漆

蔡

惡進穀食舌乾齟脣不飢不知味寤多寐少皆由瘧

汗嘔逆都令諸陽交升胃氣不降則不食陽不下潛則

無寐肝風內震則火升心熱法當和胃陽平肝氣肝平

胃醒必穀進能寢矣

知母

北沙參

麥冬

新會皮

烏梅肉

新穀露冲

金五七

強截瘧疾裏邪痞結心下水飲皆嘔吐無餘病在胃

口之上老年陽衰防其呃厥舍瀉心之外無專方

人參

枳實

乾薑

半夏

川連

黃芩

又 舌白氣衝心痛噎噦酸嘔吐涎沫皆胃虛肝乘傲

仲景胃中虛客氣上逆可與旋覆花代赭石湯

旋覆花

代赭石

人參

半夏

茯苓

薑汁

粳米

又 諸恙向安、寢食頗逸、平昔肝木易動、左脉較右脉弦、長味變酸、木侮土、秋前宜慎。

人參

半夏

茯苓

廣皮

生穀芽

生白芍

馬

瘧半月不止、左脇下已有瘧母、寒熱時必氣痞嘔逆、

乃肝邪乘胃、有邪陷厥陰之象、擬進瀉心法。

川連

黃芩

乾薑

半夏

人參

枳實

朱女

厥陰衝氣上攻、眩暈間瘧、

安胃丸三錢、椒梅湯送。

陳氏 瘧母是瘧邪入絡與血氣扭結必凝然不動今述遇

冷勞怒衝氣至腕痛必嘔逆必三日氣降痛緩而後水

飲得入此厥逆之氣由肝入胃衝脉不和則經水不調

延胡

川棟子

半夏

蓬朮

蒲黃

五靈脂

薑汁

韓七 瘧不止欲吐

炒半夏

半一錢

厚朴 一錢

青皮 一錢

炒焦知母

半一錢

草果仁

錢一

橘紅 一錢

臨服調入薑汁一錢

脾胃

吳

背寒瘧來漸晏邪有入陰之意此伏邪不肯解散都

因久積煩勞未病先虛也飲水少腹如墜腕中痞結不

舒中焦屢受邪迫陽氣先已餒弱議兩和太陰陽明法

草果 知母 半夏 厚朴

薑汁 烏梅 黃芩 花粉

又 進兩和陰陽寒熱已止診脉右濡明是氣衰宜和胃

生津使餘邪不攻自解

人參 知母 炙鱉甲 生白芍

烏梅肉 大麥仁 炒丹皮

又 脉左數舌絳暮渴

炒麥冬 人參 首烏 白芍

丹皮 茯神 另更衣丸二錢

陸十六口湧清涎不飢不食寒熱邪氣交會中焦脾胃日困

半夏

薑汁

茯苓

厚朴

炒常山

草果

烏梅

又 大半夏湯加草果烏梅

凌^{三十}瘧久脾胃氣傷不食倦怠半年不肯復元論理必用

參朮益氣但貧窘豈能久用然久延不甦倘腹滿浮腫

便難調治 白朮膏加砂仁末

某^二瘧邪由四末以擾中宮脾胃受傷無疑但寒暑更遷

病邪既久臟腑真氣自衰兩年來納穀不運漸覺衰微

不耐風冷之侵竝無疑痰聚氣見症此必胸中宗氣自

餒致清陽不司轉運當以仲景苓桂朮甘湯

又六君子湯去甘草加檀香泥桂枝朮

吳瘧已復瘧溺濁淋痛穉年脾瘧食物不慎色黃腹膨

有滯脾胃愈衰東垣云中氣不足洩便乃變初秋交冬

非東垣語

迭加反覆久則五疝勞瘵當慎於食物令脾胃氣靈可

效宗脾胃論升降疎補法

人參

茯苓

炙草

廣皮

使君子

神麩

查肉

麥芽

澤瀉

祝

此勞傷陽氣更感冷熱不正之氣身熱無汗肢冷腹

熱自利舌灰白微嘔顯然太陰受病診脉小右濡不飢

入夜昏譫語。但如寐不加狂躁。論脾爲柔。臧體陰用陽。治法雖多。從未及病。當遵前輩冷香縮脾遺意。

人參

益智仁

茯苓

新會皮

生厚朴

苡仁

木瓜

砂仁

又 脉右弦來去不齊。左小莖弱。舌邊紅。舌心白黃微絛。鼻冷四肢冷。熱時微渴。不飢不思食。前議太陰脾臟受病。瘧宗從四末乘中。必脾胃受病。鼻準四肢皆冷。是陽氣微弱。因病再傷。竟日不暖。但形肉消燼。不敢剛劫攻邪。以宣通脾胃之陽。在陰伏邪。無發散清熱之理。

人參

草果

炒半夏

生薑

茯苓

新會皮

蒸烏梅肉

二帖後加附子後又加牡蠣

吳^{七十}瘧傷脾胃腹中不和脉右濇食入脹甚前方通調氣

血佐以泄木服之積滯既下痛隨利減仍宜制木安土不可作陽虛溫補治。

生於朮

川連

椒目

麥芽

雞肫皮

廣皮

厚朴

炒山查

肝風

陳^四六瘧邪由四末以擾中皆陽明厥陰界域陽明衰則厥

陰來乘津液少斯內風必動昔賢以麻屬氣虛本是濕痰敗血今戌亥頻執行走淋汗顯然液虛陽動風生脂

液不得灌溉、肢末非濕、痰氣分之恙。

冬桑葉九蒸 熟首烏 黑芝蔴 柏子仁 茯神

當歸 杞子 菊花炭 蜜丸

李 脉左弦嘔吐發熱後、腕中痞悶不爽、宜慎口腹清肅

上中二焦不致再延成瘧、進苦辛法。

非治瘧方

杏仁 鬱金 山梔 豆豉

白薤 枳殼

孫 高年發瘧寒熱夜作、胸悶不欲食、煩渴熱頻、最慮其

邪陷為厥、進陽旦法。

桂枝 黃芩 花粉 生白芍

瘧

生左牡蠣

煨薑

南棗

姬

瘧脈沉瀄中脘痞結此屬裏症用瀉心法

半夏

川連

橘紅

枳實

黃芩

生薑汁

又

脈沉右關大瘧未止寒熱子後作煩渴中悶不欲食

醋炒半夏

杏仁

黃芩

花粉

草果

生薑

陸

瘧截虛氣痞結成身痛

桂枝

炒焦半夏

薑汁

廣皮白

當歸

茯苓

五中發...

瘧

五

錢氏暑熱傷氣成瘧。胸痞結。嘔吐痰沫。皆熱氣之結。前醫

瀉心法極是

人參汁

枳實汁

黃連

黃芩

炒半夏

杏仁

厚朴

薑汁

汪

此濕熱與水穀交蒸。全在氣分。嘗得三焦分消清解。

既成間日瘧疾。邪正互爭。原無大害。初悞於混。指傷寒

六經。再謬於參朮守補。致邪瀰漫。神昏喘急。妄譫瘵搐。

皆邪無出路。內閉則外脫。求其協熱下利。已不可得。診

脈細澹。按腹膨滿。夫痞滿屬氣燥。實在血。今洞利後而

加腹滿。諸氣皆結。豈非閉塞而然。潰敗決裂至此。難望

挽救

細葉菖蒲根汁 二錢
草果仁 五分
茯苓皮 三錢

紫厚朴 一錢
綿茵陳 三錢
辰砂益元散 五錢

連翹心 一錢
金銀花 三錢

用牛黃丸一服用涼開水緩緩以茶匙銚化服

潘氏 伏邪發熱厥後成瘧間日一至咳嗽痰多惡心中痞

其邪在肺胃之絡擬進苦辛輕劑

杏仁 黃芩 半夏 橘紅

白蔻 花粉

程氏 脈右大寒熱微嘔脘痞不納四末瘡邪交於中宮當

苦辛泄降酸苦泄熱邪勢再減二三必從清補可愈。

川連

炒半夏

薑汁

黃芩

知母

草果

炒厚朴

烏梅肉

毛氏

用玉女煎寒熱未已渴飲仍然嘔惡已減周身皆痛

診脉兩手俱數舌色灰白邊赤汗泄不解擬用酸苦泄

其在裏熱邪務以瀟止再調體質

黃芩

黃連

草果

白芍

烏梅

知母

用秋露水煎藥

又寒熱由四末以擾中官胃口最當其戕害執悶不飢

胃傷邪留清熱利痰固為要法但有年氣弱兼之病經

匝月滿邪之中必佐輔正議用半夏瀉心法。

人參

半夏

黃連

黃芩

枳實

薑汁

方

勞瘧再發

人參

草果

生薑

烏梅

秋露水煎

又

補中益氣湯加草果知母薑棗

陳

絡虛則痛陽微則脹左脇有瘧母邪留正傷此勞瘧

人參

當歸

肉桂

焦朮

炙草

茯苓

廣皮

生薑

南棗

四劑後用五苓散一服

勞瘧

瘧兼熱
痢

某 勞瘧畏寒。下虛不納。六味加肉桂五味。

某 瘧未止。熱陷下痢。中痞不欲食。

人參 川連 黃芩 生白芍 廣皮

炒當歸 炒山查 乾薑 枳實 銀花

又 瘧後勞復

人參 當歸 白芍 棗仁

茯苓 廣皮 生薑 商棗

氣血凝
絡

范三 脉小瀉病起瘧後食物不和。仍誦讀煩勞。遂至左脇

連及少腹常有厥起。或攻胃腕。或聚腹中。疑着臏脹。古

語云。瘧不離乎肝膽。亦猶咳不離乎肺也。蓋肝得邪助

木勢張揚。中土必然受侮。本氣自法運納之權。曰減清
陽。既少展舒。濁陰日踞。漸為痞滿。上年溫養辛甘久進。
未見病去。其治體之法。諒不能却。自述靜處病加。煩動
小安。其為氣血久阻。為鬱議用通絡法。以病根由瘧久
邪留絡中耳。

紫降香

桃仁

小香附

淡薑渣

神麴

雞胞皮

南山查

韭根汁法丸

高

瘧發既多。邪入於絡。絡屬血分。汗下未能逐邪。仲景

製鱉甲煎丸一法。搜剔絡中留伏之邪。五六日必效。

早午暮各服七粒

未育瘧
生於結

某 瘡邪經月不解。邪已入絡。絡聚血。邪攻則血下。究竟
寒熱煩渴。目黃舌膩。溺赤短少。全是裏邪未清。片醒葷
宜禁蔬食。不助邪壅。閱醫藥柴葛攻表。消導通便。與瘡
無與。用仲景鱉甲煎丸。朝十粒。午十粒。黃昏十粒。開
水送。

費

瘡邪迫傷津液。胃減不飢。腸燥便紅。左脇微堅。有似

瘡母結聚。當宣絡熱。以肅餘邪。

生地

知母

丹皮

麻仁

生鱉甲

某氏

瘡邪內陷。變成陰瘡。久延成勞。務以月經通爽。不致

邪劫乾血。

瘧母

生鱉甲一兩 桃仁三錢 炒丹皮一錢 穿山甲三錢

查肉一錢半 生香附一錢半

顛 左脇有瘡母乃氣血交結之故治宜通絡

鱉甲 桃仁 金鈴子 牡蠣

丹皮 夏枯草

江 遠客水土各別胃受食物未和更遭與怒動肝木犯胃土瘡傷腕中有形癥聚三年宿恙氣血暗消但久必入血湯藥焉能取效宜用緩法以疎通其絡若不追拔致陽結陰枯釀成噎膈難治矣

生鱉甲 桃仁 麝香 麋蟲 非白根粉

名醫... 瘧

歸鬚 郁李仁 冬葵子 熬膏

吳^二瘡反覆左脇瘡母

生鱉甲 生牡蠣 炒桃仁 當歸鬚 炒延胡

柴胡稍 桂枝木 炒查肉 青皮

某 夏秋濕熱瘡癩正虛邪留混入血絡結成癥瘕瘡母

夫濕氣熱氣本屬無形醫治非法血脉蘊邪故寒熱間

發仲景立法務在緩攻急則變為中滿慎之兼服鱉甲

煎丸

知母 草果 半夏 黃芩

烏梅 生薑 秋露小煎

金一經年老瘧。左脇已結瘧母。邪已入絡。與氣血膠結成
形。區區表裏解散之藥。焉得入絡。通血脈。攻堅壅。佐以
辛香。是絡病大旨。

生牡蠣

三錢

歸鬚

一錢

桃仁

二錢

桂枝

五分

炒蜀漆

一錢

公丁香

三粒

五日瘧
陽虛

某三

八少陰三瘧已久。當升陽溫經。

鹿茸

熟附子

人參

粗桂枝

當歸

炒黑蜀漆

呂二

四陰瘧一年方止。羸瘦妨食。食人不運。不飲湯水。四肢

無力。診脈微弱不鼓。屢進六君益氣無效。當溫裏通陽。

從火生土意

人參

熟附子

生益智

茯神

白芍

生薑

吳四
三瘧愈後反覆寒多有汗勞則陽洩致瘧議護陽却

邪

川桂枝

熟附子

生於朮

炙草

生薑

南棗肉

某
陰瘧汗多下焦冷用升陽法

人參

鹿茸

桂枝木

當歸

炙甘草

生薑

大棗

邪擾心營

陸四邪深留陰。三日始有瘧發。但熱來必神昏譫妄。是臍

中震動所致。議定未病兩日。日進清心牛黃丸一服。豈

看後期瘧至何如。

肝胃

蔡氏三日瘧。一年有餘勞。則欲發內熱。素有結痞。今長大

攻走不定。氣逆欲嘔。酸經閉四載。當厥陰陽明同治。

半夏

川連

乾薑

吳萸

茯苓

桂枝

白芍

川椒

烏梅

脾陽虛

蔡三五三瘧不飢不納。惡心渴喜熱飲。診脈沉細。脾陽困頓

不能送邪外出。治以四獸飲。

沈二五三瘧腹脹不渴。嘔水邪在脾胃之絡。溫疎裏邪。勿用

高登百病醫

瘧

堯

表散

草果

粗桂枝

生薑

厚朴

炒蜀漆

茯苓

又 温脾通胃得效。

生於朮

淡附子

川桂枝

炒黑蜀漆

厚朴

生薑

某^四三瘧經年。至今復受濕邪。及發日來。舌白皖悶。湯喜^五

熱飲當温太陰。

杏仁

草果

知母

桂枝

半夏

生薑

厚朴

烏梅

詹^二九三瘧脾發用露薑法寒止熱盛加入烏梅五分取其

酸味以和陰謂其瘧久陰亦傷耳

胡陰瘧滯傷脾胃用苦辛溫得效瘧未已腹脹便泄議

理中陽

人參

益智

木香

茯苓

厚朴

廣皮

生薑

錢^三五遇勞瘧發數年初起即三陰此傷損已在臟陰之絡

最難速效甘溫益氣久進益氣湯

某^三^四三瘧早截中陽室塞脫脹不運背寒肢冷

草果仁

杏仁

半夏

茯苓

桂枝

厚朴

廣皮

生薑

某脉濡面黃舌白。腕中格拒。湯水皆嘔。三日瘧一至。據色脉診。乃足太陰陽微。飲結當以溫藥和之。

半夏

藜蘆

丁香柄

草薢

厚朴

薑汁

絡氣血疑

李

初病勞倦。晡熱投東垣益氣湯。未嘗背謬。而得湯反

劇聞穀氣穢。間日瘧來。渴思涼飲。此必暑邪內伏。致營衛週流。與邪觸着。為寒熱分爭矣。故甘溫益氣。升舉脾胃氣血。與暑熱異岐。胃中熱灼。陽土愈燥。上腕不納。腸結便閉。其初在經在氣。其久入絡入血。由陽入陰。間日

多丸症患者
故因經言
最詳總由風
入於少陽立
陽之明之向

凡有一主方如瘧

疾心常切湯主

方也瘧疾亦不同

以此方加減或

有別症則不用

方亦不可蓋

用此明而

可愈者固有此

理若以為瘧而

斷不可用此明

則亂首矣余

相此意治瘧

此明身之

所以為

相

延為三瘧。奇脉躄維。皆被邪傷。內經謂陽維為病。苦寒

熱也。維為不固瘧事釋引經一身綱維。故由四末寒凜而起。但仍是脉絡

為病。故參芪朮附。不能固陽以益其虛。歸桂地芍。無能

養營以却邪矣。昔軒岐有刺瘧之旨。深慮邪與氣血混

成一所。汗吐下無能分其邪耳。後漢張仲景推廣聖經

蘊奧。謂瘧邪經月不解。勢必邪結血中。有癥瘕瘧母之

累。瘵製方鱉甲煎丸。方中大意。取用蛭蟻。有四意。謂飛

者升。走者降。靈動迅速。追拔沉混。氣血之邪。蓋散之不

解。邪非在表。攻之不驅。邪非着裏。補正却邪。正邪並樹

無益。故聖人另闢手眼。以搜剔絡中混處之邪。治經干

空

瘧

空

瘧

瘧

瘧

用余以考此... 得說此... 決不

此今旬此... 方用此... 知此... 信然... 某

六出人意... 夫此... 湯少陽

之主方... 瘧母

瘧母往... 症非

可而仲景... 用

論云凡... 論

明証有... 但見

心便是... 不必悉

百歷有明驗服十二日干支一週倘未全功當以升其

八脈之氣由至陰返於陽位無有不告安之理。

陰瘧兩月或輕或重左脇按之痠痛邪伏厥陰血絡

恐結瘧母議通絡以逐邪用仲景鱉甲煎丸每早服三

十粒當寒熱日勿用。

昌二三四瘧皆邪入陰絡故汗下為忌經年瘧罷癥痕瘧母

仍聚季脇邪攻血氣之結攻逐瘀聚升降以通陰陽乃

仲景成法但診脈細微食減神衰攻法再施恐擾中滿

前與溫補通陽頗安然守中之補姑緩為宜

人參

當歸

淡附子

淡乾薑

聖人相背獨

茯苓

肉桂

鯨甲膠丸

諸瘧由伏邪而成非旦夕之因為患也六淫之氣惟

燥不能為害而新涼收束實屬有關考之聖訓獨手

三陽手厥陰却無其症各醫者當辨其六氣中所傷

何氣六經中病涉何經若小柴胡專主少陽豈能兼

括也夫溫瘧瘧瘧痰食瘧癘諸瘧皆有成方予不復

贅但此症春月及冬時間有惟夏秋暑濕為患者居

多暑必挾濕而傷氣分第一要分別其上焦中焦之

因暑濕二氣何者為重若暑執重者而究上焦肺臟

清氣瘧來時必熱重而寒微唇舌必絳赤煩渴而喜

不用此胡言
陽症獨不用許
往彼陽明之徒不許

此胡湯之方
治此病妙天極
義不可易也其

中用人參專以
柴胡之方驅

瘧并人參亦

不用今此

參而... 向其... 一概用溫... 乘此其... 仲景上... 知已... 陷于... 嗚呼其... 不足惜... 其奈... 誠... 罪也

涼飲飲多無痞滿之患。其脈色自有陽勝之候。當宗桂枝白虎法。及天水散。加辛涼之品為治。若濕邪重

者。當議中焦脾胃陽氣。滯來時。雖則熱勢蒸燔。舌必

有粘膩之苔。渴喜煖湯。胃脘覺痞脹嘔惡。其脈色自

有陽氣不舒之情狀。當宗正氣散。及二陳湯去甘草。

加杏蔻生姜之類。主之。必要陽勝於陰。而後配和陽

之劑。日後方無貽累。倘症象兩兼。則兩法兼之可也。

大凡是症。若邪氣輕。而正不甚虛者。寒熱相等。而作

止。有時。邪氣重。而正氣怯者。寒熱模糊。來勢必混。而

不分。又云邪淺則一日一發。邪稍深則間日一發。邪

不知妄人
立有之名醫
以此等議
編在真天下
怪事也

最深則三日一發。古稱爲三陰大瘧。以肝脾腎三臟之見症爲要領。其補瀉寒溫亦不離仲景治三陰之法爲根蒂。可知陽經輕淺之方。治之無益也。所云移早則邪達於陽。移晏則邪陷於陰。陰陽勝復。於此可參。若久而不已。必有他症之虞。太陰之虛浮脹滿。有通補之理中法。開腑之五苓湯。少陰之痿弱成勞。有滋陰之復脈湯。溫養之升奇法。厥陰之厥逆吐衄。及邪結爲瘧母。有烏梅丸。與鱉甲煎法。又如心經瘧久。勢必動及其營。則爲煩渴見紅之累。肺經瘧久。理必傷及其津。則爲胃秘腸痺之候。一則涼陰爲主。一則

清降爲宜。然而瘧之名目不一。而瘧之兼症甚多。若不達權通變。而安能一一盡善。卽如暑濕格拒。三焦而嘔逆不納者。宗半夏瀉心法。穢濁蒙蔽膈中。而清靈昧甚者。用牛黃清心丸。心陽暴脫。有龍螭之救逆。胃虛嘔呃。有旋覆代赭之成方。如表散和解。通陽補氣。滋陰化營。搜邪入絡。動藥劫截。辛酸兩和。營氣並補。及陽瘧之後。養胃陰。陰瘧之後。理脾陽等法。已全備矣。彙集諸家。融通無拘。所謂用藥如用兵。先生不愧良工之名也。

邵新甫

泄瀉

暑濕熱

周

因長夏濕熱食物失調所謂濕多成五泄也先用胃

苓湯分利陰陽 胃苓湯去甘草

溫

長夏濕勝為瀉腹鳴溺少腑陽不司分利先宜導濕

和中 胃苓湯

又

向年陰分傷及陽位每有腹滿便溏長夏入秋常有

滯下此中焦氣分積弱水穀之氣易於聚濕或口鼻觸

入穢邪遂令脾胃不和是夏秋調攝最宜加意擬夏秋

應用方備採天暖氣蒸南方最有中痧痞脹諸恙未受

病前。心懷疑慮。卽飲芳香正氣之屬。毋令邪入爲第一義。

藿香梗

白蔻仁

橘紅

桔梗

杏仁

鬱金

降香

厚朴

夏至後。執勝濕蒸氣傷神倦。用東垣益氣湯。若汗出口渴。兼生脉散飲液。

某

秋暑穢濁氣從吸入。寒熱如瘧。上咳痰下洞泄。三焦

蔓延。小水短赤。議芳香辟穢分利滲濕。

藿香

厚朴

廣皮

茯苓塊

甘草

猪苓

澤瀉

木瓜

滑石

檀香汁

其味不出
其味不出
其味不出

又進藥稍緩所言穢濁非臆說矣其陰莖囊腫是燥熱甚而下墜入腑與方書莖欵症有間議河間法

厚朴

杏仁

滑石

寒水石

石膏

猪苓

澤瀉

絲瓜葉

某陰瘡久傷成損不能臥脊強脉垂足跗浮腫乃督脉不用漸至偃僂廢疾近日暑濕內侵泄瀉先宜分利和中

厚朴

藿香

廣皮

茯苓

澤瀉

木瓜

炒扁豆

炒查肉

炒砂仁

蔡一氣短少續爲虛近日腹中不和泄瀉暑傷先以清暑

和脾預防滯下

厚朴 廣皮 炙草 茯苓 澤瀉

炒豆 麥芽 木瓜 炒查肉 砂仁

又 香砂異功散

葉_五平素操持積勞五志之火易燃上則鼻竅堵塞下有

肛痔腸紅冬春溫邪是陽氣發越邪氣乘虛內伏夫所

伏之邪非比暴感發散可解况兼勞倦內傷之體病經

九十日來足跗日腫大便日行五六次其形粘膩其色

黃赤紫滯小便不利必隨大便而稍通此腎關樞機已

廢一腸陽腑失司所進水穀脾胃不主運行釀濕墜下

轉爲癰腐之形。正當土旺入夏脾胃主氣。此濕熱內溢。由乎脾腎日傷。不得明理之醫。一悞再悞。必致變現腹滿矣。夫左脉之緩濇。是久病陰陽之損。是合理也。而右脉弦大。豈是有餘形質之滯。卽仲景所云弦爲胃減。大則病進。亦由陽明脉絡漸弛。腫自下。日上之義。守中治中有妨。食滋滿之弊。大旨中宜運通。下宜分利。必得小便自利。腑氣開闔。始有轉機。若再延綿月餘。夏至陰生。便難力挽矣。四苓加椒目厚朴益智廣皮白

又服分消方法五日。瀉減溺通。足跗浮腫未消。要知脾胃久困。濕熱滯濁。無以運行。所進水穀。其氣蒸變爲濕。

濕勝多成五瀉欲使濕去必利小便然滲利太過望六年歲之人又當慮及下焦久病入夏正脾胃司令時候脾臟宜補則健胃腑宜疎自清扶正氣驅濕熱乃消補兼施治法晚服資生丸炒米湯送下

服早

人參

廣皮

防已

厚朴

茯苓

生朮

澤瀉

神麴

黃連

吳萸

朱 口腹不愼濕熱內起泄瀉復至此濕多成五泄氣瀉

則腹脹矣

人參

茅朮

川連

黃芩

白芍

廣皮

茯苓

澤瀉

查肉

陳 脉緩大。腹痛泄瀉。小溲不利。此水穀內因之濕鬱蒸腸胃。致清濁不分。若不清理分消。延為積聚粘膩滯下。議用芩芍湯。

淡黃芩

生白芍

廣木

厚朴

藿香

茯苓

猪苓

澤瀉

張 脉緩澹。腹滿痛瀉。不爽。氣鬱滯久。濕凝在腸。用丹溪小温中丸。

針砂

小川連

蒼朮

白木

香附

半夏

廣皮

青皮

神麴漿丸

程 診脉肝部獨大。脾胃緩弱。平昔納穀甚少。而精神頗

好。其先天充旺不待言矣。目今水瀉少腹滿脹。少腹爲厥陰肝位。由陰陽不分。濁踞於下。致肝失疎泄。當以五苓散導水利濕。倣古急開支河之法。

黃九成久瀉兼發瘡痍是濕勝熱鬱苦寒必佐風藥合乎東垣脾宜升胃宜降之旨

人參 川連 黃柏 廣皮 炙草 生於朮

羌活 防風 升麻 柴胡 神麩 麥芽

朱三四形瘦尖長木火體質自上年泄瀉累用脾胃藥不效
此陰水素虧酒食水穀之濕下墜陰弱不能包涵所致
宜苦味堅陰淡滲勝濕

炒川連

炒黃柏

厚朴

廣皮白

茯苓

猪苓

澤瀉

炒查肉

陳

寒濕已變執鬱六腑為窒為瀉

生白朮

厚朴

廣皮

白茯苓

益智仁

木瓜

茵陳

澤瀉

某

酒濕內聚痰飲餘濕下注五泄常用一味茅朮丸

炒半夏

茯苓

苡仁

刺蒺藜

新會皮

王

頭脹喜冷飲咳嘔心中脹泄瀉不爽此為中暑故止

瀉血藥更甚舌色白議清上焦氣分

中暑

石膏

淡黃芩

炒半夏

橘紅

中陽濕滯

厚朴

杏仁

王_七自春徂冬瀉白積至今腹痛小水不利想食物非宜

脾胃水寒偏注大腸當分其勢以導太陽胃苓湯主之

胡_三三瘧劫截不效必是陰臟受病衄血熱渴食入不化

痛瀉二者相反思病延已久食物無忌病中勉強進食

不能充長精神即為滯濁阻痺先以脹瀉調理不必以

瘧相混

草果

厚朴

陳皮

木香

茯苓皮

大腹皮

猪苓

澤瀉

郁_八四經營勞心納食違時飢飽勞傷脾胃受病脾失運化

夜屬陰晦至天明洞瀉粘膩食物不喜脾弱惡食柔濁
之味五苓通膀胱分泄濕氣已走前陰之竅用之小效
東垣謂中氣不足溲便乃變陽不運行濕多成五泄矣

人參

生白朮

茯苓

炙草

炮薑

肉桂

某五
八形寒便瀉舌白

厚朴

廣皮

半夏

茯苓皮

桂枝木

生薑

程氏
寒濕腹痛惡心泄瀉

寒濕

厚朴

藿香梗

益智仁

廣皮

炒茅朮

煨木香

茯苓

澤瀉

吳氏 寒凝胃陽腹痛泄瀉

草果

厚朴

茅朮

廣皮

吳萸

炒查肉

程氏 瀉後腹脹

人參

生益智

炮薑

茯苓

厚朴

廣皮

砂仁

陸氏 氣滯為脹濕鬱為瀉主以分消

炒厚朴

大腹皮

茯苓

澤瀉

煨益智

廣皮

炒查肉

某氏 雨濕涼氣乘於脾胃。泄瀉之後。腹膨減食。宜健中運

濕

焦白朮炭 厚朴 廣皮 生穀芽

炒扁豆 木瓜 茯苓 澤瀉

程女 濕鬱脾陽。腹滿肢冷。泄瀉。四苓散加厚朴廣皮

鄒姬 濕傷泄瀉。小便全少。腹滿欲脹。舌白不飢。病在足太

陰脾。宜溫中佐以分利。

生茅朮 厚朴 草果 廣皮

茯苓 猪苓 澤瀉 炒砂仁

又 早服真武丸薑湯送二錢五分 一兩

高登百病醫案 卷六 泄瀉 辛

夜服針砂丸開水送一錢五分 六錢

又 人參 附子 枳實 茯苓

乾薑 生白芍

某 脉沉緩肌肉豐盛是水土稟質陽氣少於運行水穀聚濕布及經絡下焦每有重着筋痛食稍不運便易泄瀉經水色淡水濕交混總以太陰脾臟調理若不中窾恐防脹病

人參 茯苓 白朮 炙草 廣皮

羌活 獨活 防風 澤瀉

倪六 陽傷濕聚便溏足腫

粗桂枝 生白朮 木防已 茯苓 澤瀉

又 脉緊足腫便溏陽微濕聚氣不流暢怕成單脹

照前方加茵陳

又 晨泄肢腫

生白朮 桂枝木 淡附子 茯苓 澤瀉

陸一五當臍動氣子夜寢泄晝午自止是陽衰寒濕酒凝臍

陽不運每瀉則脹減宜通不宜瀉

製川烏 生茅朮 茯苓 木香

厚朴 廣皮

乎犯胃 朱 消渴乾嘔口吐清涎舌光赤泄瀉熱病四十日不愈

市醫登指有醫案 泄瀉 主

熱邪入陰厥陽犯胃吞酸不思食久延為病傷成勞

川連

烏梅

黃芩

白芍

人參

訶子皮

論曰病由春木正旺中焦受尅先泄瀉繼以腹痛小便不利食不思納皆是六腑不和所致夫胃為陽土肝屬陰木腑宜通腑宜柔宜涼治胃必佐泄肝制其勝也閱方呆補不知臟腑陰陽故辨及之

泡淡黃芩

炒小川連

炒廣皮

厚朴

生白芍

炒烏梅肉

猪苓

澤瀉

楊

因驚而瀉腹痛欲嘔是為蚘厥當用酸苦忌進甜物

川椒

烏梅肉

川連

淡乾薑

金鈴子

延胡

桂枝木

生白芍

唐 胃中不和。不飢少寐。肝風震動。頭迷。溇泄。高年經月

未復。兩和厥陰陽明。

風非五

炒半夏

人參

枳實

茯苓

炒烏梅肉

潘 入夜咽乾欲嘔。食納腹痛。卽瀉。此胃口大傷。陰火內

風劫。燥津液。當以肝胃同治。用酸甘化陰方。

人參

一錢半

焦白芍

三錢

訶子皮

七分

炙草

五分

陳倉米

三錢

又 去陳米加南棗一枚

又 咽乾不喜湯飲。腹鳴瀉濁。五液消燼。虛風內風。擾於

補瀉增病

腸胃

人參

木瓜

焦白芍

赤石脂

炙草

朱

經月減食泄瀉下焦無力以扶土泄木法

人參

焦朮

炒益智

茯苓

木瓜

廣皮

某

病後陰傷作瀉

烏梅

白芍

炙草

廣皮

茯苓

荷葉

王

霍亂後痛瀉已緩心中空洞肢節痿弱此陽明脉虛

內風閃爍蓋虛象也

異功去參朮加烏梅木瓜白芍

又上吐下瀉之後中氣大虛身痛肢浮虛風內動以補

中為法 異功散加木瓜薑棗

某腹鳴晨泄顛眩腕痺形質似屬陽不足診脈小弦非

二神四神溫固之症蓋陽明胃土已虛厥陰肝風振動
內起久病而為飧泄用甘以理胃酸以制肝

人參

茯苓

炙草

廣皮

烏梅

木瓜

某頭痛損目黎明腸鳴泄瀉煩心必目刺痛流淚是本

火生風致脾胃土位日戕姑議泄木安土法

人參

半夏

茯苓

炙草

丹皮

桑葉

肝邪風
胃

徐

六

自春季胸脇肌腠以及腹中疼痛從治用小愈腹鳴
泄瀉不止久風殄泄都因木乘土位東垣云治脾胃必
先制肝做此

人參

焦朮

炙草

木瓜

烏梅

炒兔絲餅

程

勞損經年食入腹脹痛瀉心中寒凜膚腠熱蒸此陽
不內潛脾胃久困萬無治嗽清降之理議用戊己湯扶

土制木法

葉左脇氣脹在皮膚之裏此絡脈中病也泄肝破氣久

服脾胃受困而為泄瀉得養中小愈然以藥治藥脈絡之病仍在

半夏

桂枝

茯苓

遠志

歸鬚

橘紅

薑棗湯泛丸

張^耀腹鳴臍脹清晨痲泄先以熄肝風安脾胃方

人參

茯苓

木瓜

炒烏梅

炒菟絲子

又泄肝醒胃方

吳萸

生白芍

炒烏梅

人參

茯苓

某脈右弦腹膨鳴响痛瀉半年不痊此少陽木火鬱傷

脾

脾土久則浮腫脹滿法當疎通泄鬱非辛溫燥熱可治

右

泄瀉

七

黃芩

白芍

桑葉

丹皮

柴胡

青皮

脾胃虛

矣

陽虛惡寒。惡心吞酸泄瀉。乃年力已衰。更飲酒中虛。

治法必以脾胃扶陽。

人參

茯苓

附子

白朮

薑薑

胡盧巴

起

晨泄難忍。臨晚稍可。寧耐易飢。善食仍不易消磨。其

故在乎脾胃陰陽不和也。讀東垣脾胃論。謂脾宜升則

健。胃宜降則和。援引升降為法。

人參

生於朮

炮附子

炙草

炒歸身

炒白芍 地榆炭 炮薑灰 煨葛根 煨升麻

又 腸風鳴震泄利得緩猶有微痛而下都緣陽氣受傷

垢滯永不清楚必以溫通之劑為法

生茅朮三錢 炙草五分 生炮附子一錢 厚朴一錢

廣皮一錢 製大黃五分

金五能食不化腹痛泄瀉若風冷外乘肌肉着冷其病頃

刻即至上年用石刻安腎丸初服相投兩旬不效知是

病在中焦不必固下矣自述行走數十里未覺疲倦痛

處遶臍議用治中法足太陰陽明主治

生於朮 生茅朮 生益智 淡乾薑

世瀉

胡蘆巴

茯苓

木瓜

葶藶

王^{三五}三年久損。氣怯神奪。此溫養補益。皆護元以冀却病。

原不藉乎桂附辛熱。以劫陰液。今胃減咽乾。大便溏泄。

經月。夏三月脾胃主候。宜從中治。

人參

炒白芍

炙草

煨益智

炒木瓜

茯苓

廣皮

金 冲年遺恙。先天最薄。夏秋瘴傷。食少不運。痞脹溏瀉。

都是脾胃因病致虛。當薄味調和。進治中法。

人參

益智

廣皮

茯苓

木瓜

炒澤瀉

穀芽

煨薑

李氏 脉沉形寒腰髀牽強腹鳴有形上下攻觸每晨必瀉

經水百日一至做仲景意

茯苓

炮淡乾薑

生於朮

肉桂

某氏 陽微瀰滯吐瀉心痛當辛溫開氣胃陽甦醒乃安

炒半夏

厚朴

廣皮

益智仁

煨木香

烏藥

香附汁

薑汁

脾陽虛

某二 色白脉奕體質陽薄人春汗泄神力疲倦大便溏洩

不爽皆脾陽困頓不克勝舉無以鼓動生生陽氣耳刻

下姑與和中為先

益智仁

八分

廣皮

一錢

薑灰

七分

茯苓

三錢

生穀芽

三錢

楊 小便不利大便澹泄補脾法中佐以淡滲分具陰陽

人參

熟木

茯苓

象牙屑

澤瀉

苡仁

廣皮

白芍

博三

水穀濕邪內着脾氣不和腹膨不飢便澹四肢痿痺

厚朴

茯苓皮

大腹皮

防已

廣皮

澤瀉

苡仁

桂枝木

又

肢痿腹膨便澹

木防已

生白木

苡仁

木瓜

桂枝木

澤瀉

脾腎陽虛

馬一四

飲酒少穀中氣久虛晨泄下部冷腎陽脾陽兩憊知

飢少納法當理陽酒客性不喜甘膩滋柔之藥

茯苓
覆盆子
生益智
炒菟絲餅

補骨脂
芡實

朱十四酒濕內因脾腎陽虛用黑地黄丸蒸餅水煮和丸

徐五晨泄病在腎少腹有痕亦是陰邪若食葷腥厚味病

即頓發乃陽氣積衰議用四神丸

席四五陰瘧初愈不慎食物清陽既微健運失司腸胃氣滯

遂為洞泄且足跗微腫慮其腹筍欲滿夏季脾胃主令

尤宜淡薄藥以通陽為先平時脾腎兩治

胃苓湯去白朮甘草
接服黑地黄丸去五味

朱四久瀉無有不傷腎者。食減不化。陽不用事。八味腎氣。

乃從陰引陽。宜乎少效。議與升陽。

用

鹿茸

人參

陽起石

茯苓

炮附子

淡乾薑

又久瀉必從脾腎主治。但痛利必有粘積。小溲短縮不

爽。溫補不應。議通腑氣。

厚朴

廣皮

茯苓

猪苓

澤瀉

川連

煨木香

炒山查

炒神麩

僧五瘕泄一年。食減腹鳴。屬脾腎陽衰。近腹中微痛。兼理

氣滯。用陳無擇三神丸。

某 背部牽掣入脇晨瀉 苓桂朮甘去甘加鹿角薑棗

龔^五 診脈兩關緩弱尺動下垂早晨未食心下懊懣納穀

仍不易化蓋脾陽微中焦聚濕則少運腎陰衰固攝失

司為痕泄是中宜旋則運下宜封乃藏是醫藥至理議

早進治中法夕用四神丸

高^氏 經來腹膨臍脊痠垂自秋季泄瀉不已脫痞妨食用

濟生丸不應

鹿角霜

炒菟絲餅

生杜仲

淡萆蓉

茯苓

沙苑

焦歸身

炒黑小茴

陳^氏 產育十五胎下元氣少固攝晨泄自古治腎陽自下

涵蒸脾陽始得運變、王氏以食下不化爲無陽、凡腥膩
沉着之物當忌、早用四神丸晚服理中去木草加益

智木瓜砂仁

張 瀉瀉脾腎虛得食脹

人參

炒菟絲子

炒黃乾薑

茯苓

煨益智

木瓜

某 瀉五十日、腹鳴渴飲、溲溺不利、畏寒形倦、寐醒汗出、

用溫中平木法

人參

胡蘆巴

炮薑

茯苓

訶子皮

附子

粟殼

某 脾腎不攝五更瀉

巴戟 菟絲子 五味 補骨脂 芡實

建連 山藥 炙草

某 久瀉脉虛

人參 五味 禹餘糧石

張氏 產後不復腹疼瘦瀉

炒菟絲餅 鹿角霜 生杜仲 淡補骨脂

炒黑小茴 炒杞子 茯苓

顧氏 閱病原是勞損自三陰及於奇經第腹中氣升胃痛

暨有形動觸衝任脉乏守補則滯涼潤則滑漏瘍久瀉

寒熱最為吃緊先固攝下焦為治

人參

炒菟絲餅

芡實

湖蓮

茯神

赤石脂

朮

腎虛瘦泄

炒香菟絲子

生杜仲

炒焦補骨脂

茴香

雲茯苓

又

陽微子後腹鳴前方瘦泄已止

人參

炒菟絲子

炒補骨脂

湖蓮肉

芡實

茯苓

顧

脾腎瘦泄腹脹肢肱久病大虛議通補中下之陽

人參

川熟附

茯苓

澤瀉

炒黃乾薑

某

腎虛痲泄乃下焦不攝純剛恐傷陰液以腎惡燥也

早服震靈丹

二十丸

晚間米飲湯調服參苓白朮散

二錢

二藥服十二日

中虛腹痛

高

脈細下垂高年久咳腹痛泄瀉形神憔悴乃病傷難

復非攻病藥石可愈擬進甘緩法

炙甘草

炒白芍

炒飴糖

茯苓

南棗

食傷

汪

過食泄瀉胃傷氣陷津不上涵卧則舌乾微渴且宜

薄味調攝和中之劑量進二三可安

人參

葛根

生穀芽

炙甘草

廣皮

荷葉蒂

泄瀉注下症也。經云：濕多成五泄。曰：飧。曰：瀉。曰：鶩。曰：濡。曰：滑。飧泄之完穀不化。濕兼風也。瀉泄之腸垢污。積濕兼熱也。鶩泄之澄清濁白。濕兼寒也。濡泄之身重軟弱。濕自勝也。滑泄之久下不能禁固。濕勝氣脫也。是以胃風湯治有血之飧泄。清六丸療腸垢之熱。溘鶩溘便清濁白。中有硬物。選用理中治中。滑泄脉微氣脫。洞下不禁。急投四柱六柱飲。惟濡泄有虛有實。或以胃苓。或以朮附。至於脾泄。胃泄。腎泄。大腸泄。小腸泄。大瘕泄。痰泄。齮泄。傷酒傷食泄。古方古法條。

載甚詳、其急則治標、必使因時隨症、理固然也。及其
緩則治本、惟知燥脾滲濕、義有未盡者乎。蓋脾同坤
土、本至靜之體、而有乾健之用、生萬物而役於萬物。
從水從火、爲寒爲熱、歷觀協熱下利者、十不得一二。
從水之寒泄者、十常八九焉。言當然者、主治在脾、推
所以然者、必求之水火。因思人身水火、猶權衡也。一
勝則一負、火勝則水負、水勝則火負。五泄多濕、濕水
同氣、水之盛則火之衰也。於是推少陽爲三陽之樞、
相火寄焉。風火扇胃、而熟腐五穀。少陰爲三陰之樞、
龍火寓焉。薰蒸臟腑、而轉輸糟粕。胃之納、脾之輸、皆

火之運也。然非雷藏龍馴，何能無燥無濕。勢有冒明，
燎上之責。如果土奠水安，從此不泛不濫，定無清氣
在下之患矣。吾故曰：五泄之治，平水火者清其源，崇
隄土者塞其流耳。今觀葉氏診記，配合氣味，妙在清
新縱橫治術，不離規矩，依然下者升，滑者固，寒者溫，
熱者清，脈弦治風，脈濡滲濕。總之長於辨症立方，因
而投劑，自能輒效。所謂讀古而不泥於古，採方而不
執於方，化裁之妙，人所難能者。余友吳子翼文，昔在
葉氏門牆，曾言先生洞達人情，諳練時務，使之應世
一人傑也。以故小道居此盛名，又聞其應酬之暇，好

讀兩漢出辭自必高古惜乎著作長案不能一見令人歎息不忘耳 蔣式玉

治瀉之法不過分清降濁利水通氣案中方亦平妥重複者七八編書之人意欲何為

凡泄瀉無不有痰有濕有寒有風故腸內不和而生此病案中一味蠻補蠻瀉人參五味方居其半無邪而純虛者或能有效如正雖虛而尚有留邪者則此症永無愈期矣當時誤人亦不少也

當時此老名重凡延診者想必病重而久故案中補瀉之味甚多而分清降濁者少也